


adr-

ALTERNATIV DEMOKRATESCH
REFORMPARTEI

Groupe parlementaire



Här Laurent Mosar
President vun der Deputéiertechamber
19, Um Krautmaart,
L-1728 Lëtzebuerg

Lëtzebuerg, de 24. Oktober 2012

Här President,

Sou wéi d'Chambersreglement et virgesäit, bieden ech lech, dës parlamentaresch Fro un den Här Finanzminister an un d'Madame Kulturministesch weiderzeleeden.

Déi Europäesch Kommissioun soll, esou soen et Artikelen an der Press, zur Zäit Drock op Lëtzebuerg maachen, fir datt d'TVA op elektronesch Bicher vun 3% op iwwer 19% gehéicht gëtt. Et ass souguer vun engem "Ultimatum" vun engem Mount Rieds.

Dowéinst wéilt ech dës Froen un déi zoustänneg Ministere riichten:

1. *Ass et richtig, datt déi Europäesch Kommssioun gär hätt, datt Lëtzebuerg seng TVA op elektronesch Bicher vun 3 op iwwer 19 Prozent héicht?*
2. *Falls jo, ass et richtig, datt dat ënnert dem Afloss vu Staate geschitt, déi der Meenung sinn, datt déi niddreg TVA e Standuertvirdeel fir Lëtzebuerg wär an, wa jo, ëm wéi eng Staaten handelt et sech?*
3. *Wéi sinn déi aktuell Regeln an der EU, déi d'TVA op Bicher an net-elektronescher an an elektronescher Form betreffen?*
4. *Wéi gëtt dobäi der Tatsaach entsprochen, datt d'Buch ee vun de wichtigsten, wann net souguer de-wichtigste Kulturdréier-ass?*
5. *Wéi ass d'Positioun vun der Lëtzebuenger Regierung am Dossier vun der TVA op elektronesch Bicher? Wéi schätzt si déi rechtlech Argumenter vun der Europäescher Kommssioun fir eng Erhéijung vun der TVA an?*

Mat déiwem Respekt,

Fernand Kartheiser
Deputéierten